



頻伽大藏經

九洲圖書出版社

頻伽大藏經

「遠雄假入解脫若遠雄若不遠雄是爲戲論觀八勝處九在  
人所遍知若非所遍知是爲戲論」**龍淵圖書出版社** 通出

羅尼門若樂若苦是爲戲論觀摩地門若我若無我且爲戲論如

若淨是不淨是爲戲論觀陀羅尼門者淨若不淨是爲戲論觀三摩地  
門者寂靜若不寂靜是爲戲論觀三冷地門者遠離苦若不無我是爲戲論觀

之爲三摩地門若是所遍知若非所遍知是爲戲論觀陸羅

無隨解脫  
空解

加  
大  
式  
無  
相  
空

下  
無相  
師  
脫門  
癩  
小救  
絲

離解脫門者道雖不遠離不爲戲論觀空解脫門者是所趣在

近知若非所過知是爲戲論蓋現菩薩摩訶薩和極喜地常

現前地這行地不動地普慧地雲地普常普無常普定病勝普知

# 頻伽大藏經第五十冊目錄

## ○阿毗曇毗婆沙論續前……………

五〇・一

使捷度續前

一行品第二續前(五〇・一) 人品第三(五〇・一三) 十門品第四(五〇・五三)

智捷度

八道品第一(五〇・一八八) 他心智品第二(五〇・二一九) 修智品第三(五〇・二

五三) 相應品第四(五〇・二六九) 後序(五〇・二九五)

## ○阿毗達磨大毗婆沙論

二百卷 迦多衍尼子造 五百大阿羅漢等釋 唐玄奘譯…………… 五〇・二九七

論序(五〇・三〇八)

雜蘊第一

世第一法納息第一(五〇・三一六) 智納息第二(五〇・三七五) 補特伽羅納息第三

(五〇・四九一) 愛敬納息第四(五〇・五四五) 無慚愧納息第五(五〇・五九〇)

相納息第六(五〇・六二二) 無義納息第七(五〇・六三一) 思納息第八(五〇・六

五二)

結蘊第二

不善納息第一(五〇・六八四)

阿毗曇毗婆沙論卷三十三

迦旃延子造 五百羅漢釋

北涼天竺沙門浮陀跋摩共道泰等譯

使健度一行品下

退有三種一得退二不得退三不現前行退得退者得諸善功德而退不得退者一切衆生若勤方便皆應得聖慧眼以貪著名色故不勤方便是名不得退如偈說

一切天世人 皆應得慧眼 貪著名色故 不得見真諦 又如偈說

愚小衆所敬 是則名失利 亡失諸善法 是名爲頂墮

世尊爲提婆達多故而說此偈彼已起孺善根不久當得頂法於其中間貪著利養故於善法退如是名不得退不現前行退者已得善法不現前行如佛不起佛菩提現在前辟支佛不起辟支佛菩提現在前聲聞不起聲聞菩提現在前是名不現前行退問曰此三種退幾是佛幾是辟支佛幾是聲聞答曰佛有一種退謂不現前行退本得善法不現前行故無不得退所以者何於一切衆生中最勝根故無得退所以者何非是退法故辟支佛有二種退一不得退二不現前行退不得退者不得佛根故現前行退者本得善法不現前行故無得退非是退法故聲聞是非時解脫者有二種退一不得退二不現前行退不得退者不得佛辟支佛根故不現前行退者本得善法不現前行故無得退者非退法故時解脫阿羅漢有三種退得退者先得善法而退不得退者不得三種根現前行退者先得善法不現前行復有說者佛世尊無一種退無得退非是退法故無不得退以往一切衆生中最勝根故無現前行退所以者何佛於無數阿僧祇劫集諸難行苦行皆欲爲衆生說法故無有少時不爲衆生辟支佛有一種退先得善法不現前行無得退非退法故無不得退若於辟支佛根已定無求佛根故非時解脫阿羅漢有一種退先得善法不現前行無得退非退法故無不得退若於非時解脫根已定不求辟支佛根故時解脫有二種退得退者先得善法而退現前行退者

大

藏

經

阿毘曇毗婆沙論第三十三

三十五

大九

先得善法。不現前行。無不得退。若於時解脫根已定。則不求上三種根故。評曰。應作是說。佛世尊有一種退。謂現前行退。辟支佛有二種退。謂現前行退。不得退。非時解脫阿羅漢亦如是。時解脫阿羅漢有三種退。謂得退。現前行退。不得退。問曰。云何知佛世尊有現前行退。答曰。依佛經故。如經說。佛告阿難。如來有四種增上心。受現法樂。於此四心展轉有退。如諸弟子聚會爲說法時。若不動法心得解脫。身作證。不說有退。問曰。此中爲說現前行退。爲說得退。若說現前行退者。不動法心得解脫。亦應有退。所以者何。不能一切時令不動法。常現在前。若說得退者。四種增上心。亦不應退。所以者何。如來是不退法。應作此論。是現前行退。問曰。若然者。不動法心得解脫。亦應有退。答曰。不動法心得解脫者。以得爲勝。若得彼法。更無所作。增上心。以現前行爲勝。若不現在前。便言是退。復有說者。若依未至。是說不動法。若依根本禪。是說增上心。如來依未來現在前多。若食時若食後。爲他說法時。說法已。欲入定時。如來雖於禪定速疾於未至禪速疾。勝根本禪。猶如疾行之人。於行法疾。然近處疾。勝於遠疾。復次。自利益是說增上心。利益他是說不動。如來利益他多。自利益少。復次。慈悲是說不動。喜捨是說增上。如來多起慈悲。少起喜捨。復次。大悲是說不動。大捨是說增上心。如來多起大悲。少起大捨。尊者瞿沙說曰。永斷一切結。是說不動。如來一切時。彼得現在前。問曰。若佛世尊有現前行退。有現前行退。佛多辟支佛多。聲聞多。耶答曰。如來現前行退多。非聲聞辟支佛。所以者何。若如來一刹那頃。現前行退。勝辟支佛。聲聞盡其形壽退。以如來有廣大無邊甚深明淨幽隱之法。譬如王四天下轉輪聖王。若於一日。離自國土。勝於小王。盡其形壽。離自國土。定捷度作如是說。以何等故。阿羅漢果退。阿那含果退。斯陀含果退。非須陀洹果。耶答曰。卽彼文說。見諦所斷法。緣無所有。云何緣無所有。答曰。因無法起。云何因無法起。答曰。因於我起。實義中無有我。修道所斷法。緣於有法。云何緣於有法。答曰。因於有起。云何因於有起。答曰。因淨故。淨有少淨。如髮爪齒唇形色淨等。觀此法作淨想。故於不淨法退。無有法少分是我我所。而計於我。觀此法時。無有於無我法退。是故不退。復次。斷三界見道所斷煩惱名須陀洹果。無有能退。須陀洹果者。復次。斷非非非想處見道所斷煩惱名須陀洹果。無有能退。非非非想處見道所斷煩惱者。此因論生論。以何等故。無有能退。非非非想處見道所斷煩惱。答曰。非非非想處煩惱難斷。難破。難過。以難斷難破難過。故還令相續。亦難復次。以忍作對治。斷緣無所有煩惱名須陀洹果。無有

退忍作對治斷緣無所有煩惱者。復次以見道能到須陀洹果。無有能退見道者。如是因論生論以何等故。無有能退見道。耶答曰。見道是速疾道。不起道。無有勢力起彼道者。復次行者入見道名入大法河。大法流中猶不能起善不隱沒。無記心現在前。何況染污心。譬如有人墮山間河峻流之中。猶不能據彼此岸。何況能渡。彼亦如是。復次見道是三界見道。所斷對治法。無有能退三界見道。所斷煩惱者。復次見道是非想非非想處見道。所斷對治。無有能退非想非非想處煩惱者。復次見道是忍作對治。斷緣無所有煩惱。無有能退忍作對治。斷緣無所有煩惱者。問曰。若退阿羅漢果。住須陀洹果時。當言退斯陀含果。阿那含果。不耶。答曰。當言退。譬如有人從三重屋上墮。至於地。當言此人墮三重屋。彼亦如是。問曰。彼二沙門果。本不成。就何以言退。答曰。以不成就復不成。就故云。何以不成就。復不成。就。答曰。本遠今復遠。故復次以斷爾所結。故名斯陀含果。阿那含果。以退結。故名亦名退。復次諸煩惱以斯陀含果。阿那含果。爲對治。彼煩惱本得成就。成就煩惱。故彼對治名退。復次以無礙解脫。能到斯陀含果。阿那含果。於彼道退果。亦名退。復次斯陀含果。阿那含果。是阿羅漢果。因阿羅漢果。若退彼果。因亦名退。問曰。須陀洹果。亦是阿羅漢果。因阿羅漢果。亦是彼果。何以退彼果。時不退。因耶。答曰。須陀洹果。前更無有果。若彼退時。更無住處。若當退須陀洹果者。本是見諦。今非見諦。本是得果。今非得果。本是決定。今非決定。本是聖人。今非聖人。欲令無如是過。故說須陀洹果不退。

退根本沙門果。不命終。果中間退。命終。問曰。何故退根本沙門果。不命終。果中間退。命終。耶。答曰。以易見易施設。謂此是須陀洹果。乃至謂是阿羅漢果。果中間不易見。不易施設。復次行者是時於果。生大悅適。譬如農夫。於六月中修治田業。後獲子實。積聚場上。心大悅適。彼亦如是。復次是時有三事故。一得未曾得。道二捨曾得。道三斷煩惱。同於一味。復次是時有五事。一得未曾得。道二捨曾得。道三斷煩惱。同於一味。四頓得八智。五修十六行。復次是時是止息處。最勝止息處。復次是時斷結事。事成。道方便。便成。果中間斷結事。未成。道方便。便未成。復次是時容廣修道。果中間不容廣修道。復次行者是時善知功德。道惡知功德者。是道道果。知過惡者。是生死法。復次行者是時善取相貌。如人道中行時。不能善取四方相貌。若坐一處。則能善取四方相貌。彼亦如是。復次行者是時有隨從知見者。猶如有人於村落中間。爲人所劫。無有隨從知見者。若在村落。爲人所劫。多有隨從知見者。復次行者是時先廣修方便道。立足處牢固。

須陀洹果。廣修方便道者。先爲解脫故。修施持戒。聞慧思慧修慧。煥頂忍世第一法。見道中十五心頃。是也。斯陀含果。廣修方便道者。如上說諸善復更有未曾有者。離欲界欲方便道六無礙道五解脫道是也。阿那含果。廣修方便道者。如上說諸善復更有未曾有者。離初禪欲時方便道九無礙道九解脫道。乃至離無所有處欲說亦如是。離非想非非想處欲時方便道九無礙道八解脫道是也。復次行者。是時斷一切生分止一切生分。須陀洹除欲界七生分。色無色界一一生處除一生分。餘一切生分得非數滅。斯陀含除欲界二生分。色無色界一一生處除一生分。餘一切生分得非數滅。復次行者。是時頓證三界見道修道所斷煩惱。須陀洹證三界見道所斷煩惱。斯陀含頓證三界見道所斷煩惱及欲界修道所斷六種煩惱。阿那含頓證三界見道所斷煩惱及欲界修道所斷九種煩惱。阿羅漢頓證三界見道修道所斷煩惱。以如是等事故。根本沙門果退不命終。果中間退者。命終離欲界欲乃至離無所有處欲。得正決定。若退者。以上地煩惱退。問曰。何故退。上地煩惱不退。下地者。耶答曰。下地煩惱以爲二種。對治所害。故不能更生。復次彼煩惱斷已。更有重見道法。墮上墮上。故不能更生。如人偃臥在地。大山墮上。猶不能動。何況能起。復次彼結斷已。生於忍智。無有退忍智者。復次彼結斷已。生法智比智。無有畢竟退法智比智者。復次彼結斷已。生世第一法。無有退世第一法者。復次彼結斷已。生增上忍。無有退增上忍者。復次凡夫人離欲界欲乃至離無所有處欲。從欲界乃至無所有處見道修道所斷煩惱。合集如刈草法。作九種一時斷後得果時。有對治還當言成就。見道所斷結不耶。若成就者。無有聖人退見道所斷結者。若不成就者。云何煩惱同一對治。斷於彼對治退。或有成就。或不成就。此事云何可爾。

常得阿羅漢果。住金剛喻定時成就。下下煩惱若退。阿羅漢果時還成就。非想非非想處下下煩惱。爲成就金剛喻定。不答曰。不成就。問曰。何故當得阿羅漢果。住金剛喻定時成就。下下煩惱若退。阿羅漢果時成就。下下煩惱不成。就金剛喻定。耶答曰。金剛喻定多用功。多方便。然後乃得。下下煩惱不多用功。不多用方便。而現在前。復次金剛喻定勝進時。得下下煩惱。煩失時。得復次金剛喻定。與下下煩惱不妨成就。妨現前行。下下煩惱與金剛喻定妨成就。妨現前。

行如金剛喻定與下煩惱不妨成就如是住金剛喻定成就下煩惱如下煩惱與金剛喻定妨成就亦妨現前行如是住下煩惱不成就金剛喻定復次金剛喻定是無礙道無有住無礙道退者亦無退已住無礙道者皆住解脫道勝進道而退得已還住解脫道勝進道問曰於何處退答曰界者在欲界非色界非無色界趣者在人趣非餘趣問曰何故六欲天中無退耶答曰彼處無退具故問曰彼處非不多諸退具耶答曰佛經中所說退具彼中無然諸天得果者多是利根利根者不退問曰若鈍根者人中得果後生六欲天上在彼退耶答曰不退所以者何聖人易世不退不轉根不生色無色界所以者何聖道在彼身中舊住牢固故問曰何等入退何等人不退耶答曰或有信他隨他或有自信自欲若信他隨他入聖道者退自信欲入聖道者不退復次或有廣因力廣方便力廣不放逸力或有不爾若廣者不退不爾者退復次或有以信入聖道者或有以慧入聖道者若以信入聖道者退若以慧入聖道者不退如以信以慧以奢摩他毗婆舍那可定可慧修定修慧得定得慧得內心定不得慧得慧不得內心定住堅信法住堅法鈍根利根緣力因力內枝力外枝力內正思惟從他聞法當知亦如是復次或有不貪多者或有不愚多者不貪多者退不愚多者不退復次或有心善解脫慧善解脫或有心善解脫慧不善解脫若心善解脫慧善解脫者不退若心善解脫慧不善解脫者退問曰退者經幾時答曰經少時不久乃至不自知退若自知退便修勝進方便復次彼煩惱現在前時心生慙愧故速修方便如明目人晝於平地而便顛蹶尋即還起四方顧視無見我者不耶如是行者煩惱起時心生慙愧若佛若佛弟子若諸善人無見我者不耶復次彼煩惱現在前時身心生熱欲令煩惱熱速滅故尋修方便猶如軟身體人小火墮上尋即除却彼亦如是復次煩惱臭穢在身不堪忍故尋修方便猶如好淨之人有少不淨墮於身上尋即除却彼亦如是復有說者此事不定或有久者乃至令根猛利信解脫爲見到然後得阿羅漢果問曰若退阿羅漢果已阿羅漢所不應作者彼人作耶退阿那含斯陀含果已阿那含斯陀含所不應作者彼人作耶答曰不作所以者何得果人所作所行異於凡夫故阿羅漢有六種一退法二憶法三護法四等住五能進六不動退法者退憶法者心生厭憶持刀欲自害護法者於已解脫心生愛樂善守護故等住者不退能進者能進至不動不動者住本根不動問曰退法阿羅漢必退耶憶法者必憶法耶護法者必護法耶等住者必等住耶能進者必能進至不

動耶。答曰。或有說者。退法必退。乃至能進者。必能進。至不動。以是事故名退。乃至名能進。若作是說。退法必退。乃至能進者。必能進。以有六事故。阿羅漢有六色無色界。有二。謂等住不動。若作是說。退法阿羅漢不必退。乃至能進者。不必能進。至不動。問曰。若然者。何故名退。乃至名能進耶。答曰。退阿羅漢不必退。若退者。是退性。乃至能進。不必能進。若能進者。是能進性。若作是說。退法者不必退。乃至能進者。不必能進。以有六性。故有六種阿羅漢。如是說者。欲界有六種色無色界。亦有六。

問曰。云何立六種阿羅漢耶。答曰。以根故。問曰。根有九種。上上至下下。先說阿羅漢有六種。云何以根故。阿羅漢有九種。答曰。或有說者。退法阿羅漢成就二種。根下下中。憶法成就下下根。護法成就中下根。等住成就中中根。能進成就中上根。不動成就上下根。辟支佛成就上中根。佛成就上上根。彼不應作是說。無有一人成就二種根者。利根者。尚不能何況鈍根。評曰。應作是說。退法阿羅漢成就下下根。憶法下中。護法下上。等住中下。能進中中。不動有二種。有從時解脫至不動。有性不動。從時解脫至不動者。中上本性不動者。上下。辟支佛上中。佛上上。退法阿羅漢作一事。唯退憶法阿羅漢作二事。退法憶法護法阿羅漢作三事。退法憶法護法等住阿羅漢作四事。退法憶法護法等住。能進阿羅漢作五事。退法憶法護法等住。能復有說。退法阿羅漢有三事。一退住學根。二轉至勝根。三即住般涅槃。憶法阿羅漢有四事。一退住學根。二退住退法根。三轉至勝根。四即住般涅槃。護法阿羅漢有五事。一退住學根。二退住退法根。三退住憶法。四退住護法。五轉至勝根。六即住般涅槃。能進羅漢有七事。一退住學根。二退住退法根。三退住憶法。四退住護法。五退住等住。六轉至不動。七即住般涅槃。問曰。憶法阿羅漢退住學根。爲得何等學根。爲得退法學根。爲得憶法學根耶。答曰。得退法學根。非憶法學根。所以者何。彼未曾得憶法學根故。若得者是名爲進。不名爲退。世尊經說。尊者瞿醯迦。是時解脫阿羅漢。六反退。第七反還。得時解脫身。作證。以刀自害而死。問曰。彼尊者瞿醯迦。爲是退法性。爲是憶法性。若是退法性者。何故以刀自害。若是憶法性者。何故六反退耶。答曰。應作此論。是退法性。問曰。何故以刀自害。答曰。厭患退。故以刀自害。若不退。以刀自害者。是憶法。所可用道斷欲界結。退彼道時。還得彼結。得不耶。答曰。還得彼結。得諸結。得離欲。

時斷。退時還得彼結得。所可用道。斷色無色界結。退彼道時。還得彼結得不耶。答曰。還得彼結得。諸結得離欲時。斷退時。還得彼結得。問曰。所可用斷結道。於彼道不退。所可用退道。彼道不能斷結。無礙道能斷結。無有退無礙道者。住解脫道。退無有以解脫道斷結者。何故作是說。所可用道。斷欲界結。退彼道時。還得彼結得。廣說如上。答曰。無礙道是解脫道。因解脫道。是無礙道。果若於果退時。亦應言因退。復次煩惱以無礙道對治。若成就就彼煩惱時。亦當言退。彼對治道。復次以煩惱故。立斷煩惱無礙道。若成就就煩惱時。亦當言退。彼無礙道。尊者僧伽婆修說曰。住無礙道。退住解脫道。亦退。所以者何。斷五種結。須陀洹退時。彼非是退。五無礙道。五解脫道。耶。評曰。應作是說。無有住無礙道。退退已住無礙道者。退解脫道。還住解脫道。

九斷智。欲界繫苦集所斷結。斷一斷智。色無色界苦集所斷結。斷二斷智。欲界見滅所斷結。斷三斷智。色無色界見滅所斷結。斷四斷智。欲界見道所斷結。斷五斷智。色無色界見道所斷結。斷六斷智。五下分結。斷七斷智。色愛斷。八斷智。一切結。斷九斷智。問曰。九斷智攝一切斷智。一切斷智攝九斷智。廣說如經。本斷者是無爲。問曰。若斷者是無爲。不能有所緣。何故斷是智耶。答曰。斷是智。果故說智。業果說業。如說六入是舊業。天眼天耳是通果。說通阿羅漢是智。果說智。如是智。果故說斷智。問曰。若然。修道所斷結。以智斷。故是智。果。可言斷智。見道所斷結。以忍斷。是忍。果。云何言斷智耶。答曰。彼是世俗智。果故言斷智。如先以世俗道離欲界。欲乃至離無所有處。欲八地中所斷結。斷是忍。云何是曰。若然者。世俗道能有所作處。可爾。非想非非想處。世俗道不能有所作。非想非非想處。見道所斷結。斷是忍。云何是斷智耶。尊者僧伽婆修說曰。此是慧。果說斷智。斷有二種。一是慧。果。彼不應作是說。所以者何。佛經說二智。一知智。二斷智。不說斷慧。評曰。應作是說。實義智者是金剛喻定。斷是彼。果。所以者何。得阿羅漢果時。以金剛喻定。斷三界見道。修道所斷結。頓證解脫得。故復有說者。從智種中生。故名斷智。如瞿曇姓中生。故名瞿曇。彼亦如是。復次。彼斷性相是斷智。彼斷雖不能有所緣。而性相是斷智。說名斷智。如過去未來眼根。雖不能見。而性相是眼。彼亦如是。尊者瞿沙說曰。應言正斷。是最勝斷。相應斷。畢竟斷。尊者波奢說曰。應言棄斷。所以者何。棄一切生死。得此斷。故。此斷亦可言斷。亦可言無欲。亦可言滅。亦可言諦。亦可言斷智。亦可言沙門果。亦可言有餘涅槃界。無餘涅槃界。苦法忍滅。苦法智生。是

時彼斷名斷名無欲名滅名諦不名斷智不名沙門果不名有餘涅槃界無餘涅槃界苦比忍滅苦比智生是時彼斷名斷乃至名諦不名斷智不名沙門果不名有餘涅槃界集法忍滅集法智生是時彼斷名斷名無欲名滅名諦名斷智謂欲界見苦見集所斷結盡斷智不名沙門果不名有餘涅槃界無餘涅槃界集比忍滅集比智生是時彼斷名斷名無欲名滅名諦名斷智謂色無色界見苦見集所斷結盡斷智不名沙門果不名有餘涅槃界無餘涅槃界滅法忍滅滅法智生是時彼斷名斷名無欲名滅名諦名斷智謂欲界見滅所斷結盡斷智不名沙門果不名有餘涅槃界無餘涅槃界滅比忍滅滅比智生是時彼斷名斷名無欲名滅名諦名斷智謂色無色界見滅所斷結盡斷智不名沙門果不名有餘涅槃界無餘涅槃界道法忍滅道法智生是時彼斷名斷名無欲名滅名諦名斷智謂欲界見道所斷結盡斷智不名沙門果不名有餘涅槃界無餘涅槃界道比忍滅道比智生是時彼斷名斷名無欲名滅名諦名斷智謂色無色界見道所斷結無色界結盡斷智名沙門果謂須陀洹果不名有餘涅槃界無餘涅槃界是時三界見苦見集見滅及欲界見道所斷結同一味頓證解脫得是時彼斷名斷名無欲名滅名諦名斷智名沙門果謂須陀洹果不名有餘涅槃界無餘涅槃界須陀洹當得斯陀含果斷一種結乃至五種結是時彼斷名斷名無欲名滅名諦不名斷智不名沙門果不名有餘涅槃界無餘涅槃界第六無礙道滅第六解脫道生是時彼斷名斷名無欲名滅名諦不名斷智名沙門果謂斯陀含果不名有餘涅槃界無餘涅槃界是時三界見道所斷彼斷名斷名無欲名滅名諦不名斷智謂先得斷智名沙門果謂斯陀含果不名有餘涅槃界無餘涅槃界欲界修道所斷五種結同一味頓證解脫得是時彼斷名斷名無欲名滅名諦不名斷智名沙門果謂斯陀含果不名有餘涅槃界無餘涅槃界斯陀含當得阿那含果斷第七第八種結時彼斷名斷名無欲名滅名諦不名斷智不名沙門果不名有餘涅槃界無餘涅槃界第九無礙道滅第九解脫道生是時彼斷名斷名無欲名滅名諦名斷智謂五下分結盡斷智名沙門果謂阿那含果不名有餘涅槃界無餘涅槃界即彼時三界見道所斷結及欲界修道所斷九種結同一味頓證解脫得是時彼斷名斷名無欲名滅名諦名斷智謂本得斷智五下分結盡斷智名沙門果謂阿那含果不名有餘涅槃界無餘涅槃界離初禪欲斷一種結乃至斷九種結是時彼斷名斷名無欲名滅名諦不名斷智不名沙門果不名有餘涅槃界無餘涅槃界乃至離第四禪欲斷一種結乃至斷八種結說亦如是第九無礙道滅第

九解脫道生是時彼斷名斷名無欲名滅名諦名斷智謂色愛斷斷智不名沙門果不名有餘涅槃無餘涅槃界離空處欲乃至離非想非非想處斷八種結是時彼斷名斷名無欲名滅名諦不名斷智不名沙門果不名有餘涅槃無餘涅槃界金剛喻定滅初盡智生是時九種結斷彼斷名斷名無欲名滅名諦名斷智謂一切結盡斷智名沙門果謂阿羅漢果名有餘涅槃界不名無餘涅槃界即彼時三界見道所斷八地修道所斷非想非非想處修道所斷八種結同一味頓證解脫得是時彼斷名斷名無欲名滅名諦名斷智謂一切結盡斷智名沙門果謂阿羅漢果名有餘涅槃界不名無餘涅槃界若阿羅漢陰界入更不相續入無餘涅槃界是時彼斷名斷名無欲名滅名諦名斷智謂所得斷智名沙門果謂阿羅漢果不名有餘涅槃界名無餘涅槃界問曰諸斷是無爲何以有時名斷智有時不名斷智答曰爾時或有四事或有五事者名斷智四事者一害俱因二俱繫得解脫三得無漏解脫得四害非想非非想處一切遍使五事者即上四事五永斷於界見道中有四事修道中有五事苦法忍滅苦法智生是時不害俱因雖害見苦所斷不害見集所斷不俱繫得解脫雖見苦所斷繫得解脫見集所斷不得解脫雖得無漏解脫不害非想非非想處一切遍使是時唯有一事無二事是故彼斷名斷不名斷智苦比忍滅苦比智生是時不害俱因雖斷見苦所斷因不害見集所斷因不斷俱繫雖斷見苦所斷繫不斷見集所斷繫雖得無漏解脫得而不畢竟害非想非非想處一切遍使是時唯有二事無有三事故彼斷不名斷智集法忍滅集法智生是時害俱因先害見苦所斷因今害見集所斷因俱繫得解脫先見苦所斷得解脫今見集所斷得解脫得無漏解脫得亦害非想非非想處一切遍使是時得名斷智集比忍滅集比智生是時害俱因先害見苦所斷因今害見集所斷因俱繫得解脫先見苦所斷得解脫今見集所斷得解脫得無漏解脫得害非想非非想處一切遍使是時具四事故彼斷名斷智滅法忍滅滅法智生是時害俱因先害見苦見集所斷因今害見滅所斷因俱繫得解脫先見苦見集所斷繫得解脫今見滅所斷繫得解脫得無漏解脫得害非想非非想處一切遍使是時具四事故彼斷名斷智滅比忍滅滅比智生道法忍滅道法智生道比忍滅道比智生說亦如是如是則說見道斷智修道中有五事名斷智離欲界一種欲乃至離八種欲是時不害俱因雖斷八種因不斷下下因所以者何九種結展轉爲改俱繫不得解脫雖八種繫得解脫一種繫不得解脫所以者何九種結展

轉相繫故。雖得無漏解脫。得害非想非非想處。一切遍使。而不永離界。是時唯有二事無三事。是故彼斷不名斷智。斷第九種結。是時害俱因。先斷八種。因今斷下下。因俱繫得解脫。先八種繫得解脫。今下下繫得解脫。得無漏解脫。得害非想非非想處。一切遍使。畢竟離界。謂離欲界。是時有五事故。彼斷名斷智。離初禪欲斷一種結。乃至斷八種結。廣說如欲界斷第九種時。害俱因。先斷八種。因今斷下下。因俱繫得解脫。先八種繫得解脫。今下下繫得解脫。得無漏解脫。得害非想非非想處。一切遍使。而非畢竟離界。是時唯有四事無五事。是故彼斷不名斷智。第二第三禪說亦如是。離第四禪欲斷一種結。乃至斷八種結。不害俱因。俱繫不得解脫。雖得無漏解脫。得害非想非非想處。一切遍使。而畢竟離界。是時唯有二事無三事。是故彼斷不名斷智。斷第九種結。時害俱因。俱繫得解脫。得無漏解脫。得害非想非非想處。一切遍使。畢竟離界。是時有五事故。彼斷名斷智。謂色愛盡。斷智如離初禪欲。乃至離三禪欲。離空處欲。乃至離無所有處欲。說亦如是。離非想非非想處。欲斷一種結。乃至斷八種結。時不害俱因。俱繫不得解脫。雖得無漏解脫。得害非想非非想處。一切遍使。而不畢竟離界。是時唯有二事而無三事。是故彼斷不名斷智。斷第九種結。是時害俱因。俱繫得解脫。得無漏解脫。得害非想非非想處。一切遍使。畢竟離界。是時有五事故。彼斷名斷智。謂一切結盡。斷智問曰。爲離四禪修道所斷愛名斷智。爲唯離第四禪修道所斷愛名斷智。耶。答曰。或有說。離四禪愛名斷智。復有說。離第四禪九種愛名斷智。復有說。唯離第四禪下下種愛名斷智。評曰。應作是說。離色界一切修道所斷愛名斷智。所以者何。若離第四禪下下愛色界一切修道所斷愛盡。乃名斷智。問曰。斷法是。最勝法。何故二斷得通證。謂阿那含。阿羅漢。果時。答曰。此二時。畢竟離界。亦得果。得須陀洹。果斯陀含。果時。雖得果。不畢竟離界。離第四禪欲。雖畢竟離界。而非得果。得阿那含。果時。畢竟離界。謂離欲界。得果。得阿那含。果。得阿羅漢。果時。畢竟離界。謂顯無色界。得果。得阿羅漢。果時。復次。是時。畢竟離界。斷下分上分結。得須陀洹。果斯陀含。果時。不畢竟離界。不斷下分上分結。離色愛時。雖畢竟離界。謂離色界。不畢竟斷上分結。復次。是時。畢竟離界。畢竟斷不善無記煩惱。得須陀洹。果斯陀含。果時。不畢竟離界。亦不畢竟斷不善煩惱。離色界時。雖畢竟離界。不畢竟斷無記煩惱。得阿那含。果時。畢竟離界。謂離欲界。畢竟斷不善煩惱。得阿羅漢。

果時畢竟離界。謂離無色界。畢竟斷無記煩惱。如不善無記。有報無報。生二果。一果。無慙無愧相應。無慙無愧不相應。當知說亦如是。九斷智誰捨。誰得。幾。答曰。或有無捨無得者。如凡夫人是也。問曰。此中不問凡夫。不答凡夫。復有聖人不捨不得者。如住本性者是也。勝進者亦是。如苦法忍。滅苦法智生。是時不捨不得。苦比忍。滅苦比智生。是時亦不捨不得。集法忍。滅集法智生。是時得。一而無所捨。集比忍。滅集比智生。是時得。一而無所捨。滅法忍。滅滅法智生。是時得。一而無所捨。滅比忍。滅滅比智生。是時得。一而無所捨。滅比智生。是時得。一而無所捨。道法忍。滅道法智生。是時得。一而無所捨。道比忍。滅道比智生。若非離欲人得。一而無所捨。若是離欲人捨。五得。一。謂道比智時所得斷智。即是五下分結盡斷智。聖人離欲界。欲斷一種。乃至八種。結無得捨。斷第九種。結是時捨六得。一。謂五下分結盡斷智是也。離初禪。欲斷一種。乃至九種。結無得捨。斷第二第三禪亦如是。離第四禪。欲斷一種。乃至八種。無得捨。斷第九種。得。一而無所捨。如初禪三禪三禪。空處識處。無所有處。亦如是。離非想非非想處。欲斷一種。乃至八種。結亦無得捨。斷第九種。時捨二得。一。謂一切結盡斷智是也。則說勝進時。退時亦有捨有得。阿羅漢起無色界煩惱。退時捨一得。二起色界煩惱。退時捨一得。一起欲界煩惱。退時捨一得。六離色愛。阿那含起色界煩惱。退時捨一而無所得。起欲界煩惱。退時捨二得。六未離色愛。阿那含起欲界煩惱。退時捨一得。六退斯陀含果時。無捨無得。

此九斷智。幾是禪果。幾是無色定果。幾是根本禪果。幾是禪邊果。幾是根本無色定果。幾是無色定邊果。幾是見道果。幾是修道果。幾是忍果。幾是智果。幾是法智果。幾是比智果。幾是法智分果。幾是比智分果。幾是世俗道果。幾是無漏道果。幾是禪果者。答曰。九是禪及眷屬果。幾是無色定果者。答曰。二。是無色定及眷屬果。幾是根本禪果者。答曰。阿毗曇者。作如是說。五。是根本禪果。尊者瞿沙。作如是說。八。是根本禪果。幾是禪邊果者。答曰。九。謂未至依是也。非餘禪邊幾是根本無色定果者。答曰。一。幾是無色定邊果者。答曰。一。謂空處邊。非餘處無色定邊。幾是見道果者。答曰。七。幾是修道果者。答曰。三。幾是忍果。應說如見道。幾是智果者。應說如修道。幾是法智果者。答曰。三。幾是比智果者。答曰。二。幾是法智分果者。答曰。六。幾是比智分果者。答曰。五。幾是世俗道果者。答曰。二。幾是無漏道果者。答曰。九。若離色愛。得正決定。色愛盡。斷智何時得耶。尊者僧伽婆修說曰。道比智現在前時得。所以者何。道比智亦是向道。亦是道果。不應作。



若勝進時名向阿羅漢果證人捨阿那含果所以者何以根故說人差別是故生智論作如是說向斯陀含果證人當言成就須陀洹果不耶答曰不成就乃至向阿羅漢果證人當言成就阿那含果不耶答曰不成就評曰八人名有八實體有五如是說者好如名體名數體數名差別體差別名異體異名別體別知名知義當知亦如是問曰若八人身有八實體有五云何說八人差別耶答曰以行聖道故須陀洹果若於須陀洹果不勝進時於須陀洹果名得名在身中成就名現前行若於須陀洹果勝進者是時住向於阿那含果名得不在身中名成就名現前行於向名得名在身中名成就名現前行若於阿那含果勝進者於此九斷智成就幾不成就幾此中以人為章以斷智為門答曰或不成就或一二三四五廣說如經本

阿毗曇毗婆沙論卷第三十三

阿毗曇毗婆沙論卷第三十四

使健度人品第三上

結有二種謂見道斷種欲修道斷種欲界有二種色界有二種無色界有二種頗欲界繫見道所斷修道所斷結頗得耶乃至廣說章及解章義此中應廣說優波提舍問曰何故作此論答曰此諸煩惱於生死中作大繫縛無利嶮難猶如怨家藏伏欲界受大苦惱於色無色界受大苦惱於生死中數數迴轉處在母胎闇冥之處生藏熟藏之所逼切不知云何推求此結如實知見而除斷之欲令知故猶如怨家藏伏不知則害知則可避彼亦如是是故應思量觀察種種善語乃至生生之處而不忘失如尊首彌多達子初生時而作是語結有二種謂見道斷種修道斷種欲界有二種色界有二種無色界有二問曰何故彼生時作如是語答曰彼在母胎為衆苦所逼而作是念衆生何故數處母胎受如

迦旃延子造 五百羅漢釋  
北涼天竺沙門浮陀跋摩共道泰等譯

是等苦皆以此二種結故欲說此二結過患故生時便作此語結有二種欲界有二乃至廣說問曰何故名種答曰此中說聚是種如衆多比丘聚名比丘種如婆羅門聚名婆羅門種彼亦如是所言種者亦可言聚亦可言群實義是一面有差別頓得耶云何名頓得答曰頓得名一時何以知之答曰有經說波斯匿王往詣佛所面共世尊種種言論在一面坐而白佛言我聞沙門瞿曇作如是說於去來今無有沙門婆羅門能如實知見一切法若言知見無有是處沙門瞿曇爲憶念有此語不佛答王言我不憶念王復言沙門瞿曇世或有人不善受文義聞時異爲他說異唯願世尊憶念此事而解說之佛答王言我曾作是說於去來今無有頓得如實知見一切法者若言頓得知見無有是處皆從三阿僧祇劫漸漸修行六波羅蜜然後乃知非一時知以是事故知頓得是一時頓欲界繫見道修道所斷結頓得耶答曰頓得離欲凡夫人於彼無欲退問曰誰頓得耶答曰凡夫人離欲愛時欲界繫見道修道所斷結總爲一聚如刈草法九種結一時斷以下下無礙道斷上上結乃至以上上無礙道斷下下結凡夫人以下下結於彼無欲退頓得欲界繫見道修道所斷一種結下中退頓得二種乃至以上上結退頓得欲界繫見道修道所斷九種結色界無色界命終生欲界時凡夫以下下結乃至上上結今生相續頓得欲界繫見道修道所斷九種結頓捨耶答曰捨凡夫人離欲愛時問曰誰頓捨耶答曰凡夫人離欲愛時欲界繫見道修道所斷九種結總爲一聚如刈草法九種結一時斷以下下無礙道斷上上結乃至以上上無礙道斷下下結彼欲界繫見道修道所斷下下頓捨漸得耶答曰不得所以者何若先得見道所斷結後得修道所斷結若先得修道所斷結後得見道所斷結無有是處漸捨耶答曰捨世尊弟子先捨見道所斷結後捨修道所斷結見道所斷結以見道斷修道所斷結以修道斷顯色界繫見道修道所斷結頓得耶答曰頓得離色愛凡夫人於彼無欲退問曰誰頓得耶答曰凡夫人離色愛時色界繫見道修道所斷結總爲一聚如刈草法九種結一時斷以下下無礙道斷上上結乃至以上上無礙道斷下下結於彼無欲退若以色界繫下下結退者彼頓得色界繫見道修道所斷一種結下中退頓得二種乃至以上上結退頓得色界繫見道修道所斷九種結若以欲界下下結乃至上上結退彼時頓得色界繫見道修道所斷九種結復有說者此文應如是說離色愛凡夫人以欲界梵世地結退不應作是說所以者何此中說於界頓得不說地頓得若以第四禪結退乃至以欲界結退是時頓